

欽定古今圖書集成

方輿彙編職方典



欽定古今圖書集成方輿彙編職方典

第七百四十三卷目錄

淮安府部彙考三

淮安府山川考二

水利附

淮安府城池考

古今圖書集成  
職方典第七百四十二卷  
淮安府部彙考三  
贛榆縣  
府縣志合載

職方典第七百四十二卷

淮安府部彙考三

淮安府山川考二

府縣志合載

贛榆縣

夾谷山 在縣西四十餘里左傳公會齊侯于

夾谷杜預註夾谷即祝其也太史公曰景公與

定公好會夾谷服虔註東海祝其縣是也祝其

縣在治西五十里夾谷在祝其東北十五里俱

贛榆縣境內或因歸汶陽之田疑魯地按山東

志惟嶧縣北七十里有夾山而非夾谷且無會齊侯說按春秋公至自夾谷齊人來歸鄆謹龜陰田鄆謹龜陰雖皆汶陽田然歸田在至自夾谷之後非會汶陽而歸也

秦山 在海中去岸四十里舊傳秦始皇登此求神仙勒石而去石至今存山前名碁子灣山後有二石人千佛寺娘娘廟山西南水底有神路三十餘里闊數尺由岸直抵山謂始皇築洪波浸激迄今不圯也潮退路雖不見而水淺可

涉其中竹木青葱四時不改珍禽異卉塵世未有一拳石浮蕩於億萬里天光水色中絕非人間遊覽按一統志此山乃蒼梧飛來一峯故今猶有南地花草

吳山 在縣西北三十餘里山峯獨秀雲氣時出或自山腰以下雨以上則晴左脅壁立千仞巖壑幽奇龍脉東行結縣舊傳吳姓居此歿而靈異唐封顯惠王爲建廟遇旱禱輒應廟後有遺塚山巔有泰山行宮浴佛日四方鱗集

子貢山 在縣西三十里端木氏讀書處有曬書臺

紀鄆山 在縣西七十里按春秋齊師伐莒傳曰莒子奔紀鄆山即此

大金山 城正北面環其上縣治踞之山形陂敞三級而彌高天成治址也啓重門而閭閻仰

拱登譙樓則山海俯臨署之雄麗職此

小金山 在縣北二十里朱江鎮河逼其北

小鬲山 在縣東北四十里海中孤峯獨秀漢

田橫與其徒五百人入海壘石爲城于此

武強山 在縣南三十里舊傳山下人黃雄率

衆禦寇一方賴之歿而廟祀號白馬將軍以武名山以志不忘

懷仁山 在縣北四十里後魏置懷仁縣以此

車輻山 在縣西四十里上有石高四丈傳爲

繫馬石

泊船山 在縣北四十里山有石如船長一丈六尺

攔頭山 在縣東北七十里海邊山東有石遮

攔海浪山西有石洞相傳陳姓仙人煉丹處

阿夜山 在縣東北七十里海邊與攔頭山相

對山西有水簾洞海霧烟雲晝昏如夜

丫髻山 在縣東北七十里兩峯相對

高家山 在縣北四十里

羨金山 在縣西四十里

土山 在縣西南五十里上有石鹿東望

塌山 在縣西三十里

青山 在縣北四十餘里舊贛城在其北

末山 在縣西南七十里

羽山 在縣西南八十里舜典殛鯀於羽山即

此府志屬海州縣舊志據逸史誤入贛榆

東海 在縣東十五里即大海海在縣境南北

凡一百四十里西通於河凡九口東不可紀極

魚鹽之利歲以數萬舟楫沿岸而南則新壩等

處北則安東衛等處東則朝鮮日本皆一望無

際順治十四年海船禁康熙元年鹽場革海之

在榆魚鹽之利遂廢

玉帶河 在縣西北衆山雨集之水瀰漫東下至劉贊村匯成渠逶迤環抱一里之內凡數環環將週乃折去去復環如此者凡數十達於城環其西北而東又如此不知凡幾十始入海環若帶然是曰玉帶形家善之歲久湮淤城以西河體具而有水處纔十一以東涓流不斷倘力事疏鑿俾上流得收衆水之注卸下流得納大海之潮汐河身隨龍與治親近豈不利哉

小沙河 在縣南六里源出山東莒州上接沐

河下由青口鎮入海

青口河 在縣南十餘里即小沙河下流

唐生團河 在縣南十五里

掘頭河 在縣南十餘里城子村舊傳秦漢時以地有王氣掘之後成河

朱稽河 在縣南二十五里通門接河由仙丘向東流舊有水溝五道洩水今盡淤

大沙河 舊名廟灣子沙河在縣南五十里源

自山東鄒城縣從大沙河鎮東入海雨集水漲商船可行沿河有隄

臨洪河 在縣南六十里通海州銀山壩薈薇河元末湮塞明景泰間知府丘陵疏導通海舟楫甚便今復塞宜濬

孫家河 在縣東南四十五里武強山諸湖之水由東入海

五龍王廟河 在縣東南六十里通鹽場入海堯水 在縣西南八十五里源自山東沂州經

縣入海

大石橋河 榆治發脉吳山山出泉因勢東趨迤邐數十里由治北八里外直去入海明萬曆

十五年知縣樊兆程嫌其反背於大石橋築隄以障東流開鑿引水南下工方半以內名去繼

此知縣徐應元因所濬益深之河水已至北城門外與玉帶河匯再沿玉帶而東濬未接海潮

僅三百丈又以內艱去繼此海州同知顧署事贛榆終厥功兩河之水會潮于海風氣一變後



奸民壞隄水仍東奔不復南注今水雖不通而河道猶在

朱汪河 在縣北二十里

龍王河 在縣東北二十里即朱汪河下流

石橋河 在縣北四十里

石洋河 在縣北五十里今塞

柘汪河 在縣北五十里

分水河 在縣北六十里

旦頭河 在縣北七十里今塞

荻水河 在縣北七十里源自山東莒州

劍水 在縣北七十里源自山東沂州三堯山

東流經縣境入海

分泉 在縣北七十里分水嶺水由石頂射出

高尺許東西分流近為安東衛人侵去鑿壞石

頂水不射不分且塞其西流而分水一鎮遂敞

西觀井 在西門外祐慶觀前泉甘不竭

邳州

葛嶧山 在州西北十里禹貢嶧陽孤桐即此

前漢書地理志註云葛嶧山在西古文以爲嶧  
陽後漢書郡國志曰葛嶧山本嶧陽山註云山  
出名桐伏滔北征記曰今槃根往往而存許氏  
說文曰葛嶧山在東海下邳夏書曰嶧陽孤桐  
經典昭然如此俗名距山以爲與沂水相距也  
非是又晉人葛洪曾煉丹其上故名葛嶧山  
小山 在州正北七里上有林樹望若華蓋  
石埠山 在嶧山北上有林木可觀  
十步山 在葛嶧山後以逼山麓故名

唐宋山 在嶧山東北去州二十五里昔有唐  
宋二姓人居之故名上有石泉甚清冽

宿羊山 在城西南四十五里

大町山 在城西南二十八里

大黃山 在石埠山北去州十五里

小黃山 在大黃山北形勢相連故名

朱山 在大黃山東北蓋山之餘也世傳有朱  
相公廟故名今毀

土山 在州西北三十里黃河墊淤里人聚居

其上月有數集

虎丘山 去土山八里其山最小狀若伏虎今淤無跡因民居而存其名

過滿山 在州西北五十里舊志云泖口有良城俗謂之梁王城相傳王之女南泛官湖看蓮舟中孕子遂留于此匝月而還因各其山

虎丘山 在城南六十五里

茸山 在州西北九十里上有唐時藏梅寺基東埠山 在州西北九十里

王母山 在州西北一百里世傳有王母墓故名

熊耳山 在州西北一百里

韓家山 在州西北一百里

神王山 在州西北一百里上有禹廟

呦鹿山 在城東北五十里

橋頭山 在城西北二十里

黃石山 在州北一百一十里上有黃石公廟

穀城山 在州北一百二十里穀城後故名

艾山 在州東北一百里接山東沂水縣界因產艾故名左傳齊侯會于艾山卽此

小山 在州北一百里與艾山相並而小故名連防山 在州北一百一十里山下有古防路與艾山相接故名

倚宿山 在州西北一百一十里世傳韓信經此倚山而宿

顯陽山 在州西北九十里其山高聳朝陽故名

勝陽山 在州西北一百二十里其山高聳秀麗勝於顯陽故名

登高山 在州北一百二十里

王家山 在州西北一百四十里

憂路山 在州東北一百四十里其山高峻過者憂之故名

鐵佛山 在州北一百五十里上有三鐵佛故名

茅墩山 在州西十八里此下諸山今分睢寧

界內因原屬邳故仍載之

半戈山 在州西南五里山下舊有雲峯寺卽

地湧金蓮處

羊山 在州西南三里南面黃河上有宗善禪

寺成化八年太監徐瑛請敕賜名殿宇宏麗遊

人登眺題詠刻石甚多

廟防山 在城東五十五里

青羊山 在城西南三十里

龐家山 去城八十五里

鳳凰山 在州西四十里

交龍山

白山 在州西三十里

甘家山

澗頭山 在州西四十五里

李牛山 在州西五十里

劉湖山 在州西五十五里

陟背山 在州西三十里

東黃山 在州西北六十里世傳爲黃石公所

居故名

西黃山 在州西六十里與東黃山相對故名  
磬石山 在州西八十里與泗水相近禹貢泗  
濱浮磬或以爲此山卽古取磬之地

泗河 在州南二里卽泗水禹貢其源出魯汴  
縣桃墟其源有四道由西南過徐又東過下邳  
合沂武二水東至清河縣又會淮水東入海今  
爲黃流淤塞入會通河合流東至宿遷入黃河  
城子河 在州北五十里其源自沂州蘆塘湖

流經營河入武今武河已淤城子河微有其跡  
曲呂河 在州東二十里源自壩頭入洪河會  
直河同歸于泗其流潑泗因名

武河 在州西北五十里其源出自山東嶧縣  
馬旺山許家泉經流偃武鄉入蛤湖至乾溝口  
入泗久爲黃流淤塞

沂河 在州西一里經沂水縣流至下邳西南  
入泗今爲黃河淤塞至貓兒窩入會通河按縣  
志沂河出自嶧山經沂州沂水縣南流至受賢

鄉分派一枝出盧口西流二里許復分二枝一經城南會武河二十五里入運一經官湖出徐塘口入運其本枝南流至趙家莊社各溝亦分二枝一經砲車繞廟防山歸駱馬湖一經龍池隅頭歸駱湖二水舊俱由臧家口入運今以運堤築俱歸駱湖入運矣

直河 在州東四十里自求纓湖分派南流入泗河直而不迂故名今泗已併于黃河直河淤塞

洪河 在州東南三十里見前曲呂河下

營河 在州北一百里自沂州抱犢澗泃溝考

究泉流入武河今武河已淤營河入運河南流

黃墩河 出自南旺湖由徐州荆山口至全河

汴塘入邳境歷彭家河分成子河歸沙溝湖至

貓兒窩入運

龍化河 分源泗河在貓兒窩西南去城五十

里今淤沒無跡

西泃口河 在州西北一百五十里今淤沒

漕河 卽運道自山東臺莊達州東南歷泃口  
鎮徐塘口貓兒窩馬莊集萬家莊窑灣口由宿  
遷阜河口入河

引河 去城二十里出自沂州抱犢澗經黃石  
山泃口考究泉入運

黃河 在州南二里自彭城過邳南經宿及海  
達海自邳割地與睢寧河本不在邳以歲修夫  
役邳人任之故著河防并存其名於此

清水河 在州護城隄南董家堂北中通城河

然水本無原因停注已久邳州盡爲所沉二郡  
無不苦之按縣志清水河卽舊黃河南岸屬睢  
寧北岸屬邳州自順治初年塘池壩塞始由今  
河而清水河迄今猶存

隅頭河 在州東十里自北隄來沂水所出

鰻湖 在州西北二十里水自武河洩流水多  
生鰻故名今淤已久

蛤湖 在州西北二十五里自武河洩流水多  
生蛤故名今淤已久



官湖 在州北五十里其源出自沂州蘆塘湖  
中有蓮藕菱芡之屬今淤已久

漆井 在州北一里石崇別墅

項羽井 在州西南石崇碑云項井在下相城

葛洪井 在葛嶧山頂洪煉丹於此

宿遷縣

馬陵山 去舊治北二里高十五丈周迴二里

自山東迤邐八百餘里至新治基而止高聳為

一邑雄觀上有玉虛觀後有極樂庵華嚴庵

靈傑山 在舊治西北一里馬陵餘脉也

三台山 在縣北二十里三峯突聳勢若連珠

堪輿家以為新縣治之主山云

張山 在縣北三十五里高二丈周二里餘

峒崑山 在縣北七十里高百丈許周迴十五

里漢名縣上有古洞口琢石為螭水自螭口噴

出不涸宋守領張榮屯此山以拒金人

釜山 去縣三里其下有普化禪林

五華峯 在峒崑山南

斗山 在五華山南

塔山 去縣九十里其山高數丈周迴十數里

築土城於上相傳爲五代郭彥威屯兵處

峯山 在斗山南高五十餘丈峯巒翠嶺石磴

巉巖明嘉靖二年建泰山行祠四方崇祀朱山

在下相去治西七里漢朱買臣之別墅也民耕

治日久止存土阜有朱山相公行祠

運河 舊在縣西二十步濟汶沂泗諸水合流

自直河入境經小河會黃河自古城入桃源界

小河 在縣南十里源出汴入泗

阜河 去河北四十里出本縣港頭社下流入

泗以土色黑故名

白洋河 在縣南四十里西南一百二十里通

虹縣汴河巨津瀾漫望之如洋故名

侍丘湖 在縣東十里周迴三十餘里水由草

狼溝入河多產魚蝦爲淮北第一名東湖

上泊水湖 在縣東三十里由武家溝入河

白鹿湖 在縣西南五十里由小河入運河

駱馬湖 在縣西北十里由董家溝陳瑤溝以入運河

潼溝湖 在縣西北一百里

雷家湖 在縣西北六十里

巴頭湖 在縣西北八十里

白湖 在縣西北九十里

張皮湖 在縣西北七十里

丁家湖 在縣西北五十里

黃龍湖 在縣西五十里

朱衣湖 在縣西四十里

滹沱湖 在縣北二里馬陵山西

茅滋湖 在縣東南二十里受侍丘湖水由響

水溝流入運河

埠子湖 在縣西四十里多出魚蝦為商賈市

利之所

倉基湖 在縣東南三十里周迴四十五里相

傳晉石崇建倉貯糧之處故名

諸葛湖 在縣治西北八十里每春月陰晦時

常有城池觀市見出俗傳諸葛屯兵於此故名  
蓮子湖 在縣三十里運河之西以其產蓮藕  
故名

管坊湖 在縣北四十里周迴三十里歲旱即  
通車馬實為青齊要路伏秋之間泥淖難行明  
萬曆丙申知縣何東鳳命道人張濟耆民于嘉  
仕修路建橋鋪石其上

圍田湖 在縣北八十里  
東港頭陂 在縣西北四十里

西港頭陂 在縣西北三十里二陂皆積雨所  
蓄無洩

龍泉溝 出峒嵒山下東入沐河西入阜河  
草狼新溝 去舊治南三里臨淮門外洩侍丘

湖兩岸皆民園圃雜植桃杏諸花二三月間紅  
白掩映沿流泛舟可比蘭亭之勝後皆為沙淤  
塞明萬曆三年知縣喻文偉挑濬

陳窰溝 在縣西二里  
戴家陂 在舊治東四十步中有洲雖水漲不

沒爲宿預蚤春鍾吾八景此其一焉  
睢寧縣

羊山 在縣北五十里舊黃河之南岸山勢崑  
峩上有古刹下枕漕渠爲睢鉅觀今黃河一帶  
新開於山之南而前後迴繞尤爲奇賞  
張龍山 在縣西北七十里上有張龍神廟下  
有一穴深約三丈闊一丈五尺三面俱石障上  
有石蓋甚嚴飭狀若坐壙其後有晉介子推墓  
旁有小陵名曰綿山

九頂山 在縣西五十里脉接太嶽勢趨濠梁  
高峯有九雲蒸卽雨上有展雄殿舊址諸峯環  
抱中可伏萬人怪石嶙峋古澗陡峻

馬兒山 在縣西五十里其形似馬上有仙洞  
古泉

劉湖山 在縣北七十里昔劉湖將軍寓此故  
名

半戈山 在縣北五十七里長亙如半戈然  
李牛山 在縣西北七十里形如臥牛

青羊山 在縣西北七十里

澗頭山 在縣西北七十里下有大澗

無帽山 在縣西北七十里

小黃山 在縣西北二十五里

大黃山 在縣西北七十里

白山 在縣西北七十里

茅墩山 在縣北七十里

王家山 在縣西北七十里

鳳凰山 在縣西五十里山形似鳳時出慶雲

大花山 小花山 俱在縣西五十里二峰

相連

牙山 在縣西北七十里嵯峩高聳其形似牙

官山 在縣西南二十里

白路山 在縣西五十里昔仙姑修道於此其

往來之路自麓至頂石白如玉遙望數十里

李家山 在縣西北六十里

軸山 在縣南三十里上有二郎廟

鯉魚山 在縣西五十里狀似躍鯉

銀錠山 在縣西南三十三里

嵐山 在縣西四十里上有天妃祠

仙掌山 在縣西六十里上有仙掌痕尺餘

金山 在縣西南二十里

趙爾山 在縣西南三十里

英公山 在縣北七十里唐英公李世勣葬此

宋家山 在縣西南二十五里

大湖山 小湖山 在縣西南三十三里二

山相聯

金馬墩 在縣南二里遇陰雨時隱隱見金馬之狀故名

九女墩 在縣西南二十里昔九女兜土葬親而成故名

白龍墩 在縣南一里枕白龍溝

白蓮墩 在縣南半里

白羊墩 在縣西南四里

朱八墩 在縣東二十七里

臥牛墩 在縣西二里以上俱淤平

鞍子墩 在縣東南七十里形似馬鞍故名

宅墩 在縣東半里每歲迎春於此

史家墩 在縣東二十里

姚兒墩 在縣西南四十里以上俱見存

黃河 在縣西北五十里上自鯉魚山下至小河口環繞泛溢睢人世受其害順治年間塌民田三十餘里衝斷遙月等堤一十八道康熙二年河決武官營三年復決朱官營猖獗奔潰有衝城奪漕之勢官民受累二十餘年知縣馮應

麒主簿宋文耀修築月堤二道水患稍平康熙三年知縣石之玫允主簿宋文耀建議自陳家油房前開濬引水河長五百四十五丈順流東下復歸故道南涉之河近將淤塞雖民困稍舒而隄防之策尤不可不加意云

孟家灣口 在縣北四十里水勢洶湧掃塌南岸遂成大灣康熙元年口決縣東北一帶盡爲汪洋知縣馮應麒主簿宋文耀修築隄防水患暫平近年以來河水衝淤舊堤平薄亦睢邑隱



憂也按睢寧沿河一帶歲修處所各有定號自靈璧而東如焦段武朱四營皆屬邳地而睢寧歲爲修防自邳州東南水玉二堡皆屬睢地而邳州歲爲修防分工清數詳在碑記

濉水 西自靈璧東入睢寧界歷孟山潼郡以至子仙鎮余家渡蜿蜒五十餘里直趨縣治西經堙頭北過廟灣再東則抵高作耿車而盡於小河口入黃河焉盈盈衣帶水自漢迄明歷數千載睢人之利賴良多萬曆年間淤塞殆盡知

縣申其學開濬民甚便之天啓二年黃河衝決水泛沙積遂成平陸舟楫不通邑人困乏

泗河 在縣西北七十里卽禹貢所謂泗濱浮磬也源有四泉出山東泗水縣西南過彭城經下邳入于淮後因黃河南涉遂兼併之而泗河之名不存矣

泇河 在縣西北七十里

合湖 在縣西北七十里合沂水南入黃河故名近葛嶧山又名葛湖

楓山湖 一名陶河湖在縣東北三十里

潼河湖 在縣東南四十里由找溝東入小河

白塘湖 在縣西北三十五里

隱慝湖 在縣西北五十里

蔡上湖 在縣西北三十里

五龍湖 在縣南二十五里

龍塘湖 在縣西南二十里

白龍溝 在縣南一里

西白蓮溝 在縣東北三十里入小河

葫蘆套溝 在縣北一里入小河

三里溝 在縣東

五里溝 在縣東

找溝 在縣東南二十八里

泥溝 在縣西三十里入小河

戚家溝 在縣北十三里入小河

東白蓮溝 在縣東北三十里

郭家溝 在縣西二十里

史家溝 在縣東北十八里

芹溝湖 在縣東二十里

水利附

本府 山陽縣附郭

石閘 在新城北明洪武十年建今廢為水關

甄閘 南鎖壩 宋運糧由此至洪澤入淮

明洪武十年開菊花溝以通舟楫此閘廢

仁字壩 義字壩 俱在新城東門外東北自

城南引湖水抵壩口外即淮河遇清江口淤塞

運船經此車過壩東絳路西則城基

智字壩 信字壩 相聯禮智壩舟楫通行

清江壩 在府西北三十里清江浦之東明正

德六年開遇清江口淤塞即經此達淮然近歲

瀕連水患淹築轉移不常

滿浦壩 在府北門外四里地接窑溝版閘歲

澇不常長堤為障

南鎖壩 在府西南一里往寶應路

禮字壩 新城西門外

鹽城縣

廣惠碶 在縣治東門外三里舊捍海潮名白  
波湫遇運河水溢則自此決之入海以殺水勢  
每歲夏秋海水溢入運河則又傷田苗尋築尋  
衝決宋淳熙六年教授劉煒攝邑始甃以磚石  
名曰廣惠碶紹興五年知縣徐挺之重修後又  
壞明洪武二十九年主簿蔡叔瑜重修今又壞  
大通碶 在縣治北門外三里明洪武二十九  
年主簿蔡叔瑜創建  
岡門鎮堰 自岡門至新河轉至侍其汊皆有

古堰每歲春塞秋開以便灌田民獲其利

徑口堰 在縣治西二十一里岡門鎮西東臨

運河西達馬鞍湖以通商賈

侍其汊堰 在縣治西北一百里歲旱則塞之

以資灌溉遇潦則決水流入射陽湖注于海

捍海堰 在東門外一里范文正公築以捍海

今名范公堤

清河縣

惠濟閘 在馬頭東南七里溝舊名通濟閘明

嘉靖年建引淮水以達漕運後閘底淤墊

皇清康熙二十三年新鑿漕河于迤南三里更建閘

座為新運口閘名惠濟今現行漕

末濟閘 在甘羅城南太山墩北與惠濟閘相

望亦通漕運康熙三十四年新建

康濟閘 在治東陶家莊右康熙三十四年新

建

廣濟閘 在治西仲家莊左康熙二十六年建

舊名仲家閘三十三年改今名俱在中河

雙金門閘 在廣濟閘北鹽河內康熙三十四

年新建

小閘 在雙金門閘北康熙三十四年新建

新莊古閘 在治東北五里淮河東岸今廢

洪澤古閘 凡三座在洪澤鎮宋魏勝運糧至

洪澤出閘入淮即此今廢

八里莊古閘 凡三座與洪澤閘俱在運河內

運河壞平江伯陳瑄即八里莊故道疏濬以通

舟楫官廳三間廨舍一所在清河境內久湮廢

新河古閘 在治東北三十里新河內今廢  
大河遙堤 北岸舊有太皇隄自明萬曆初河  
決崔鎮桃源以下故渠多淺因築遙堤為束水  
衝沙之計起古城迄清河長一萬八千四百餘  
丈其後河身淤澱寔高隄勢坍塌  
皇清康熙八年河決三汊口明年決五堡二堡水入  
治內為巨浸總河羅乃自桃源界起東至龍王  
廟皆因舊址加築高一丈面二丈闊六丈長三  
千三百三十四丈計程十八里半十七年總河

靳又自龍王廟起至四鋪溝止接築四千九百  
三十八丈計程二十七里半其縣前玉皇閣一  
帶地勢當衝題定椿埽工五百餘丈歲加修繕  
又自桃源東界至石人溝止築堤一道長一千  
八百六十三丈計程十里三分五釐南岸遙堤  
自桃源縣東界起至本縣濫泥淺止長四千二  
十五丈又築堤一道自桃源縣東界起至山陽  
季家淺止長五千三百餘丈  
中河遙堤 境內鑿河道八千五百八十五丈

北岸築隄自桃源東界起至山陽西界止計長七千七百九十一丈又于內築撐堤一道南北建閘四座

護縣堤 自縣西娘娘廟起至縣東龍王廟止長七百九十六丈六尺計程四里三分

減水大壩 在蔣家塲王家營之間因河水衝刷北岸土弱易崩居民屢苦遷徙總河靳建立減水大壩北達中河共長一百丈上造浮橋下通水道名鷄心孔一百有三孔

天妃壩 黃河東岸自惠濟祠起南接甘羅城乃黃淮匯流要害之處磚石堤工共長四百八十二丈

束水三壩 在河南新運口內因運口南接淮水直瀉易溢乃審勢于上流折流分流地面遞建三壩收束水勢以利漕運

中河兩岸束河堤 康熙三十三年築束水以防外溢

新河舊堤 明萬曆中因分黃之議開新河以

利漕運自桃源黃家嘴起歷本縣漁溝鎮娘子莊末與集達安東界一河兩隄河湮後隄有存廢

舊運口隄 自舊運口南岸築束水壩一座越通濟閘而北迤窰灣一帶至李家橋山陽界止共長七里半

清水墩隄 隄自文華寺以東南至七里墩止修造板工八百六十三丈以障湖水東侵所以利漕運護郡城也

新運河緯隄 東西二道

安東縣

古淮堤 卽范公堤去治東十五里起依淮岸以東直接海一百四十里按宋名臣言行錄通泰海州皆濱海潮汐日至城下土田斥鹵不可稼穡范文正公監西溪建白于朝築捍海堤于三州之境以衛民田朝廷從之以文正爲興化令發通泰楚海四州之民築之至今享其利  
新堤 康熙四年河南北兩岸總河靳題入



欽工募夫修築自顏家河經縣南門東門至雲梯關海口互一百五十餘里河廳佟吉年知縣李儀鳩工庀築邑賴以安

漣水壩 在縣東南二百五十三步吳元年平舟師進征西海建此

浮堰 在縣北六十里舊跨中漣河口架木為浮橋後廢塞為土堰因名

箭幹坊 在縣西二里鄉人築以障水其直如矢

龍尾堦 在縣西二里地形互直西廣東隘二水夾流注東合一形如龍尾

佛陀磯 在縣北五十里

海州  
萬金壩 在東海城東北七十里東海有七里民田被海潮從此處淹漫明嘉靖間有劉太監者乃東海所舍餘發心立壩以遏潮衝而護民產長四里闊三丈壩成費至數千因名萬金其後海水日浸無人培補而潮漫田荒如故矣

新壩 在州南四十里西障沂沐東捍海潮俾  
漣河達于官河由此直通安東因舊爲新故名  
官河壩 在新壩漣河之南明洪武二十七年  
築州西諸河之船由此達河

板浦堰 在州治東南三十里舊無堰東南之  
田水大入海民受其利且一州之血脉通焉後  
因建堰運鹽河通于海水隨潮洩明萬曆丁巳  
建堰約十餘丈北障海潮南蓄河流鹽舟通行  
止便于商而州治因之日削矣

楊公堤 係塔兒灣至板浦要路海潮浸漫阻  
隔行人明萬曆己未知州楊鳳築堤十五里商  
旅便之後潮汐爲阻州守劉夢松少移而西

皇清順治丙申知州任三奇又移而大西漸防而漸  
移者皆因土工故易壞如求其堅久須用山石  
永安堤 在州東二十餘里北接山環城七里  
以捍海潮唐開元間刺史杜令昭築

銀山壩 在州南二十里自青州穆陵關發源  
合沂沐水由九洪橋入海其勢奔迅易涸故築

壩以瀦清流利農田隱然城守之險宋元之際  
賴以抗敵常加修護元季爲張士誠所據恃此  
防守王宣父子欲侵海州決堤堰以便步戰遂  
廢而州鴨子蕩數處汚下常澇利于不修軒輊  
其間然修之大利于官民

洪門堰 在州西北三里

沙灣河堰 在石湫之南

托山廟閘 去州十五里明隆慶六年知州鄭  
復亨建閘以便往來

洪門閘 在洪門堰南明洪武年築

宿遷縣

新隄 一在舊治東長五里許號護縣隄一在

新城西長一里許名護城隄皆知縣喻文偉建

羅家口隄 去新治三里知縣何東鳳建

長隄 起自羅家口至古城約長六十里知縣

何東鳳建

睢寧縣

河堤 自廟灣至城北門積水泥塗明萬曆十

年於隙月知縣申其學調遊淺夫築堤二里高一丈五尺闊三丈六尺用夫七百四十三名七日而成以河夫之功故名河堤

護城堤 舊堤不障水明萬曆十一年修築加

高二丈五尺五寸

按餘州縣無考

### 淮安府城池考

府縣志合載

本府 山陽縣附郭

淮安府城池 舊城晉時所築宋金爭此為重

鎮守臣陳敏重築北使見其雉堞堅新號銀鑄

城嘉定初復圯知州趙仲葺之九年知州應純

之填塞窪坎濬池泄水乃益堅完元至正間江

淮兵亂守臣因舊土城稍加補築防守明朝略

增修築包以甃甃周置樓櫓自基至女牆高三

十尺周一十一里東西徑五百二十五丈舊為

門五水門二東曰觀風南曰迎遠西曰望雲稍南二十餘武爲水門稍北不三百武曰清風元兵渡淮時守臣孫虎塞之今廢北曰朝宗稍西不數武亦爲水門并水西門小舟可通城中四門皆有子城城各有樓又置三角樓惟艮隅闕一以觀風門在焉東南二門外各有弔橋自東門外至南角樓沿帶以池自南角樓鐘樓角以運河爲池北樓外接聯城故無壕城上窩鋪五十二座雉堞二千九百九十六梁正德十三年

巡撫都御史叢蘭檄知府薛鏊修嘉靖丁巳知府劉崇文修後倭寇攻不克隆慶六年改西門城樓匾曰通漕總督都御史王宗沐建樓于西門子城上額曰舉遠萬曆三十三年倭犯朝鮮邊海戒嚴署府事推官曹于汴添設敵臺四座三十八年西城門樓災知府姚鉉重建四十八年南門燬于雷火知府宋祖舜題西樓向東匾曰注江禹績新城去舊城北一里許山陽縣北辰鎮也元末張士誠僞將史文炳守此時築土

城臨淮明洪武十年指揮時禹增築以寶應廢城甃石撤建之西瞰運河東南接馮家蕩北俯長淮高二丈八尺圍七里二十丈東西徑三百二十六丈南北徑三百三十四丈城門共五座北門加一座城樓俱備成化十四年南門樓燬正德二年總兵郭鉉重建匾東曰望洋西曰覽運南曰迎薰北曰拱極曰戴辰東西有子城角樓共四南北二水門東南二門外各有橋城上窩鋪四十八雉堞一千二百堞東南二面池深

一丈餘闊五尺餘西北二面以淮湖爲壕與舊城通連淮陰輔車相依金湯鞏固東南二門外俱有橋北水關不通舟隆慶五年知府陳文燭修萬曆二十三年倭奴邊警署府事推官曹于汴添設敵臺四座舊設大河衛守禦城池守門千百戶各一員門軍二十名聯城在舊城北接新城之南因曠土隔越嘉靖三十九年倭寇犯境時漕運都御史章煥題准建造聯貫新舊二城故名曰聯城東城長二百五十六丈三尺西城

城長二百二十五丈五尺東南門曰天衢東北門曰阜城西南門曰成平西北門亦曰天衢水門四初因甄土驟高慮不經久止高丈四五尺有差萬曆二十一年倭奴愈橫鄉官胡効謨等議請加高巡撫李戴題准加高五七尺幫厚四五尺隨處適宜始與新舊城平關橋二座城樓大小四所通計雉堞六百二十架二十三年添設敵臺每門各有守禦官軍十名東城屬大河衛西城屬淮安衛

外州縣

鹽城縣城池

鹽城古名鹽瀆先世欲城於射

陽以土薄不及海邊厚且海可漁灘可樵爲民生之利于是乃城海上環城皆鹽塲也故名鹽城自宋紹興乾道間三次修築時山東寇皇甫炳攻不能破嘉定八年知縣尤炳修元至正十五年知縣秦曹經重修然尚土城也明末樂士六年備倭指揮楊清守禦千戶馮善重修始易爲甌城而新創月城建東西北城樓三座蓋其

城止東西北三門云西又有水西門城高二丈  
二尺週圍七里一百三十四步東西徑二里二  
百一十七步南北徑二里一百八十步壕深九  
尺列鋪二十八座設鹽城守禦所官軍防守嘉  
靖三十六年本府檢校祝雲鶴署篆聞海上倭  
寇張甚申請重修三十八年倭寇大至距城半  
里許一酋躍馬衝北城門上競射之酋中流矢  
而去寇遂從廟灣下海萬曆七年知縣楊瑞雲  
初至縣訝無南城門謂鹽之建城龍脉發自西

北而會結于南卽居人俱集東南是惡可無南  
門也遂請于當道報可其門正對儒學中門及  
拆城下有舊門址磚灰如新與今所定相符上  
建大城樓三楹題曰淮揚一覽門外有池名曰  
躍龍池外有亭名曰迎恩樓之北建一小橋通  
水橋北對櫺星門設門屏一座時其開閉重門  
洞開則水環岡抱盡在目前蓋鹽城至是始有  
四門三門財賦悉從南門輸運居民便之  
清河縣城池 舊土城自元至元十五年兵亂



修築惟東西北三門週圍六里南倚小清河今廢按縣志清河舊城在大清口宋咸淳九年淮東制司李廷芝築元泰定初河決治遷因甘羅故城明末再遷亦因之加女牆設堞甕三門今治亦舊有土城係元至元十五年兵亂修築東西北三面週圍六里門三座南枕小清河明末猶存舊址

安東縣城池 舊二城俱廢明弘治十五年知縣郭韶於舊基上建更樓四所設門啓閉東曰

濱海南曰觀瀾西曰臨淮北曰鎮漣增築土圍萬曆二十八年知縣詹道溥議建磚城以工鉅役煩止因堤增築為土城至泰昌元年巡鹽御史龍遇奇為淮鹽分司駐縣具題建城議亦未決至天啓元年知縣劉君聘以創建為任因改選去至五年士民保懇復任撫按題准本年三月興工週圍長一千五百五十四丈計門四南曰迎和西北仍舊東曰朝陽又便門一水關一皇清康熙七年地震傾圮知縣許同文議修三城外

各有壕後淤明末總兵柏永馥駐縣挑濬自城西南隅迤北而東接運鹽河至東門外爲池今河決復淤知縣許同文議濬

桃源縣城池 舊有城池遺址明正德六年流賊猖獗知縣李廷鵬因舊基修築土城高二丈週圍三里池深一丈立城門四座嘉靖二年間周佩建門樓四于城門之上東曰觀海西曰延暉南曰朝陽北曰拱極嘉靖十四年知縣龍復禮重修設瀉水洞三一在西門一在南門一在

北門萬曆十九年知縣許璞重築土城週七百一十八丈高一丈五尺底闊五丈頂闊二丈上加土堞一千三百五十甃城門四座上砌甃堞三十東西北門各甃甃水洞至崇禎五年知縣龔爽增築女牆高五尺砌甃堞口一千七十

皇清順治十二年知縣鄭牧民復添角樓四座于城四隅十六年開小南門以通生氣康熙六年河決烟墩口水浸城址四面沙高五尺城內如井康熙七年地震城北堞卸城樓無一存者康熙

十年就北門城基築爲遙堤以捍黃流北門水洞亦塞

沐陽縣城池 舊無城池明正德六年流賊犯境七年知縣易瓚築土城週圍八百九十四丈四尺高二丈二尺三門外壕深一丈九尺九年知府薛鑿具輓甃包城上請未修嘉靖年河決衝東城沒戴家巷并東門橋隆慶五年決東子城小南門一帶半湮於河因北徙勢卑隘內逼外削萬曆二年決并李巷城西角半湮二十年

知縣徐可達議以甃修四十四年知縣杜從心修葺堅固周八百四十丈高十七尺三城樓五窩鋪一敵臺一千七百九十七梁建東西兩城房正東門曰承暉門正西門曰宣義門正南門曰迎薰門沿東數十步小南門曰聚奎門以如船形故無北門崇禎十五年知縣劉士璟加高堞四圍鑿池

皇清康熙七年六月十七日地震崩塌城南一帶四圍堞俱墜十三年知縣張奇抱修復加堞如

制

海州城池 舊係土城乃梁天監十一年始築  
宋紹興二十二年魏勝復築城濬隍備金人寶  
祐三年李壇加築按舊志東西二城東城高二  
丈七尺週圍三里東西二門并西城元季兵廢  
明洪武二十三年淮安衛分中前所千戶魏王  
等守禦因西城故址修築土城永樂十六年千  
戶殷軾砌以甃石高二丈五尺週圍九里一百  
三十步四門東曰鎮海西曰通淮南曰胸陽北

曰臨洪月城二西設水關池深六尺弔橋三座  
在東北門外嘉靖間知州吳必學復增拓環以  
鋪舍翼以柵門久頽圯沿西半如平地署印通  
判范永官李維東知州錢騰蛟高搖楊本俊相  
繼修葺工未就緒隆慶壬申知州鄭復亨修築  
沿西一帶補完殘缺萬曆壬辰東倭報警知州  
周燧將西南二門補築月城仍週圍築敵臺九  
座以便守禦萬曆壬子恆雨圯城牆三之一知  
州楊鳳補葺完固天啓二年鄒滕妖變震鄰逼

境知州劉夢松慮沿西一帶城卑難守捐俸搜帑加增各三尺共計五百餘丈始為完城可垂末賴

贛榆縣池城 舊土城高二丈壕深四尺週圍四里一十一步至正二十四年平章王信修築明洪武二年知縣郎廷珪重修城門三座正德六年薊寇劉七破城十一年知縣馮澤增築高二丈五尺加雉堞鑿池深二丈十四年知縣謝誥建南門北門二樓知府薛鏊以榆係淮安東

北藩請於朝用各縣廢驛錢并均徭內加徵五分之一買甄包砌工料未備而去嗣後土壘日圯樓鋪盡傾民無固志萬曆十五年戊子知縣樊兆程重修縣丞蔡應元等督工經始于萬曆十六年正月二十二日告成于十七年十二月週圍長六百七十一丈高二丈池稱之因舊三門加以譙樓南曰迎薰北曰拱辰西曰瞻聖東無門亦建樓其上額曰海晏月城小樓二座四隅角樓各一三十七年知縣徐應元于東南隅

開啓秀門尋塞崇禎丁丑年知縣徐維翰甃南  
北月城有碑崇禎十五年城樓盡燬

皇清順治初年寇屢至知縣穆爾謨濬池深如前康  
熙七年六月十七日地震城崩九年知縣俞廷  
瑞巡檢李英督令掇拾堆補

邳州城池 舊土城在今州治東三里後漢建  
安四年廣陵太守陳登率兵爲曹操至下邳呂  
布率兵拒之戰敗操引沂水灌城市布降城廢  
迨金宋交戰隨修隨圯宋紹興十二年仍割于

金元季兵燬萬戶懷都補築之明洪武十三年  
立衛指揮王恆守禦邳州因舊城垣添築包磚  
高二丈九尺週圍五里三十步雉堞一千五百  
三十六角樓四鋪三十城門三北曰鎮北西曰  
通沂南曰望淮各有樓環以子城周鑿池闊二  
丈深八尺弔橋三正德七年流賊猖獗知州周  
尚化以正西正南阻沂泗可守乃增築西北東  
南二隅城上建三樓南曰皇華東南曰永康西  
北曰金勝賊平年久傾頽嘉靖十五年知州陳

柏重加修築完固近淪于水知州黃日煥建議  
另築尚未果行至

皇清康熙七年地震河水泛溢決堤而入全城盡壞  
自此積爲巨浸水不復出民不復入矣己巳春  
建州城于艾山艾山之前爲小山山下爲城城  
廣五里十三步高二丈八尺城隍下廣七尺上  
廣一丈八尺外砌以甃爲門者四東曰先春西  
曰迎爽南曰來薰北曰拱極門各有樓丹雘巍  
峩雉堞一千五百一十有一鋪屋凡三十因深

爲池三面護以重堤其北枕山邳人以舊城在  
南呼此爲新城

宿遷縣城池 宿遷自昔無城明正德初流賊  
南突張御史命知縣鄧時中築土城南自新溝  
北至馬陵城樓四座南曰臨淮北曰通泰東曰  
鎮海西曰會洛萬曆四年河岸湮圯門廢城頽  
知縣喻文偉移文改遷縣治馬陵山尋建土城  
去舊治北二里延袤計四里高一丈五尺城門  
四正東曰迎熙西曰拱秀東南曰登雲西南曰

望淮直北未可關門建亭其上後多損壞知縣趙敬賓孫湛莫應奎聶宏相繼修補萬曆甲午知縣何東鳳爲時多倭警易以甌甃命以門名東曰陽春西曰鎮黃東南曰迎薰西南曰河清東西二水門誠一方保障也

睢寧縣城池 舊土城四里高僅丈餘明正德間知縣王蒼建東南北三門樓嘉靖二十五年知縣陳嘉略甃以石隆慶三年圯於大水時議廢議遷議附於邳皆不果萬曆十三年知縣申

其學申請措置成城四門東曰崇文西曰耀武南曰朝陽北曰拱辰建四樓東樓額曰保釐東土西樓曰淮西保障南樓曰畿南重鎮北樓曰北門鎖鑰城四角建四鋪房城外置四橋正南建碑亭東南建文鳴樓一座城高一丈八尺闊二丈四尺長五百六十七丈五尺外甃磚石內實以土上有堦口下有階梯水門一稱完城焉天啓二年大水城頽幾半六年知縣楊若桐力請繕之是後連年河決至崇禎二年秋洪濤洶



湧衝沒城隍民舍官衙蕩然無一存者八年秋  
哀鴻甫集流寇颺至無城守禦焚戮遂空至崇  
禎十一年知縣高岐鳳蒞任茲土目擊心傷申  
請上臺設處工料晝夜董修匝歲之間而城池  
高深金湯未固

皇清順治十六年霪雨塌城三分之一康熙三年知  
縣馮應麒改建四門城樓修補城闕規模愈爲  
壯麗康熙三年教諭孫大經于學宮之南跨城  
作橋曰青雲橋因城爲亭曰青雲亭石堦九級

旁植桃柳稱勝覽焉康熙四年知縣石之玫修  
護城堤數年無水潦患又以城身外甃甃石內  
土薄疏雨霪淋削幾不及三版乃躬親營度培  
築堅完俾人騎方軌可馳

欽定古今圖書集成方輿彙編職方典

第七百四十四卷目錄

淮安府部彙考四

淮安府關梁考

淮安府封建考

職方典第七百四十四卷

淮安府部彙考四

淮安府關梁考

府縣志合載

本府 山陽縣附郭

南鎖關 在府南一里

安樂關 在府西北三里

柳淮關 在城東門外卽下關去治三里

淮北關 在府北十里

涇河關 在府南五十里舊于河東壩設禁私

鹽今廢

淮北護鹽關

草灣護鹽關 以上舊設

赤岸護鹽關 新設以上護鹽關各差千百戶

一員領僧手護送商鹽

雲梯關 在府東海口墩臺十座大河衛指揮

一員百戶五員領軍五百八十名防守

板閘關 在府北十五里

八字橋 在府西北二橋分跨市河南橋宋之

州橋北橋曰宜民明成化六年重修

三思橋 在譙樓前宋名譙門橋元更今名

南市橋 在府西南明正德十二年納粟指揮

陳錙重修

高公橋 在府西北

大聖橋 在府西即宋孔市橋又名豐登橋大

聖堂在旁

章馬橋 在北門內

青龍橋 在城隍廟東

白虎橋 在青龍橋南

朱雀橋 在青龍橋旁

真武橋 在小教場西大街

古山橋 在臺山寺前

臺山寺橋 在寺稍西

望仙橋 在駙馬巷北俗傳孫賣魚于此仙去

昇仙橋 在天妃宮內即呂祖試林靈素飛昇

處舊誤作駙馬街

鴛鴦橋 在駙馬巷南

史壩橋 在府西北

草橋 在西門內轉西

水關橋 一在西門外一在北門外

駱家橋 在府東北

通會橋 在西門外水關側

畢家橋 在北門內通水關義官畢文德重建

通濟橋 在南門外

谷家橋 在東門內

梁皮橋 在東長街北近北城

鶴步橋 在刑部東

興文橋 在縣大門內

聚奎橋 在縣西銅王巷中舊名銅王橋

方便橋 在水陸寺東

長橋 在西門外舊名仁濟橋舊志西有橋三

曰楚望迎恩清風今廢以上舊城

清平橋 在大河衛東明洪武十年創

高橋 在南門內

香橋 在高橋東

小新橋 在大河衛南通流石閘口明洪武九年建

下閘橋 在大河衛東北

東仁橋 在望洋門外明洪武九年建

西義橋 在覽運門外舊有樓覆于上明宣德

十年燬是年重建

便益橋 在西義橋東

舊板橋 在便益橋東北通西運河達禮字壩

以上新城

羅家橋 在府西北三里羅家溝舊小溝義民

羅文振濬建石橋三丈

薑橋 在西義橋東南

楊家橋 在羅家橋西

菜橋 在楊家橋西

通津橋 在柳淮關廂去府東北十里

伏龍橋 在府東八十里奉國村

羊寨石橋 在府一百里羊寨鄉

北沙石橋 在府東一百六十里北沙鎮今廢

以上鄉鎮

中路橋 在府東北十里馬邏港南

廣惠橋 常家橋

鹽城縣

清溝關 喻口關

盛魁橋 在儒學西十餘武明嘉靖十七年縣

承胡鰲建自是鹽有登魁者故名

青雲橋 在南門內

端平橋 在縣治前三十餘步一名三思橋

直道橋 在縣治南舊關王廟前

鳳凰橋 在縣治西南二十武舊傳有鳳凰集

于此

靈應橋 在城隍廟前

迎春橋 在縣治東二百武

謝家橋 在縣治東南二百二十武邑人張鳳

修

永興橋 在察院南一名澄清橋

中市橋 在縣治西南一百五十步

新橋 在縣治西南一百七十步邑民劉均舉

重建今圯

開平橋 在千戶所前

彌陀橋 在永寧寺西今廢

米市橋 在縣治北門內明萬曆九年知縣楊

瑞雲創建

登瀛橋 在西門外邑民成詠重修

通海橋 在北門外十里

七里橋 在西門外七里後更名通濟今廢



方橋 在岡門鎮一名安福橋

馬永橋 在岡門鎮中里

順濟橋 在岡門鎮中西北

通濟橋 在伍祐場鎮

永安橋 在新興場

新河橋 在縣治西五十里邑民陳陳陸宗同

修今圯

仁和橋 在西沙溝鎮邑民陳淑善修

新楊浦橋 在縣治西一百二十里

唐橋 在縣治西八十里邑民陸宗修

馬家蕩橋 在馬家蕩邑民陳陳修

昇仙橋 在清溝鎮

昌明橋 在縣治西

清河縣

北關 按本邑舊無關稅馬頭巡檢司額設巡

檢一員司吏一名弓兵二十名以司譏盤今弓

兵裁存十名僅以巡鹽而惠濟祠與淮口大王

廟前部差設有小關商船自南而北者過淮關

納稅至此驗票船之自北而南者至此登號抵關輸稅以故往來商賈稱為北關

王家營關 商貨自南而北者于淮關納稅至此驗票謂之驗票關

張福口關 按本邑舊無關稅因河東閘座所在例有部差稽查過關船料先于口閘報單名為北關後因河水南衝張福莊刷成水口北關部差嘗就近稽巡南販小商防其潛渡漏稅侵漸移踞河北更立小關綜核居民日用薪米張

福口水道既淤商船不能飛渡康熙二十八年復于中河廣濟閘設立小關查察商船

清河護鹽關 洪澤護鹽關

霍山澗橋 在縣南九十里

平康橋 在縣西

登瀛橋 在縣東

西門橋 在縣西三里

湯家澗橋 在縣北六十里

沙埠橋 在縣東南六十里有鋪

瓦子灘橋 在縣東三十里

石人溝橋 在縣西十里

爬泥蕩橋 在縣北七十里官亭鎮南

棠梨溝橋 在縣北十里

洪澤橋 在洪澤鎮後漢書陳登廟祀于泗之

洪澤橋即此久湮于水

搭連溝橋 在娘子莊

凌家橋 在縣西北十五里

夏家橋 在縣東北二十里

中河浮橋 一在治東青龍庵一在治西雙金

閘一在王家營以上三橋俱因新鑿中河阻隔

行路商民胥困土人好義者于各渡募造橋船

水漲則分船為渡水涸則聯船為橋往來稱便

安東縣

護鹽關 舊設石閘後因議分黃導淮奉文拆

毀以洩黃水入海

化龍橋 在縣東為白鱣化龍處

太平橋 在縣北一里因近太平鎮故名

繡衣橋 在縣北一里舊名天寧橋明洪武三年知縣束贄建因近陳御史居更今名

東市橋 在縣東三百五十步舊名新橋元季燬于兵明洪武間建更今名

西市橋 在縣北半里明洪武年訓術金勝建清平橋 在縣西半里舊名迎宣橋跨古大城

西壕元季毀明洪武初濬河通舟更今名後廢水關門橋 在縣東北二里

夏家口橋 在縣北三十五里

白洋河橋 在縣東北九十里

平望河橋 在縣東北八十里

鹽場河橋 在縣東北一百里長樂巡司東南

遏蠻河橋 在縣東北七十里

蘭墩河橋 在縣東北四十里長樂南鄉

張家莊橋

浮橋 在縣北六十里舊跨中漣河口因河闊

架木浮水上故名今廢為堰

桃源縣

三岔關 明時設關有巡檢司查納桅封明末改移白洋河今總河部院又題設巡檢司于此  
洋河關 今有小關往來船隻報納桅封

新橋 在縣北十里

通濟橋 在縣北六十里

崇亭橋 在縣東北六十里與清河縣界石崇

所建明天啓二十年知縣朱長庚建匾額于上

白龍橋 湯福新建聯云赤鯉湖分三界首白

龍橋對四隅頭即此

孫家橋 毛家集有湖稍十五里水淺無渡孫

九錫築堤一道橋九座本府張獎曰德美行高

石板橋 在城北通宿遷大道

張泗冲橋 在縣東北二十里

赤鯉湖橋 在縣北七十里

崇河鄉橋 在縣北四十里

迎恩橋 在縣西北數十步

五里橋 在縣南五里

蕭家橋 在縣南五里

崔鎮橋 在縣西北二十二里

通集橋 在縣西半里

東門橋 在城東門外

沐陽縣

泮橋 西南諸岡埠之水泮池受之故土人臨

池而為橋惜東南無旋繞又堪輿家所必究也

文峰橋 在南門外直跨前河舊有石甃名紫

陽橋明永樂四年建後圯每河漲潰民人多病

涉崇禎四年知縣吳侶置木梁改題迎薰橋

皇清順治十年知縣王國泰見橋當公署直衝東遷

數十武改題今名

迎恩橋 在縣東里許接詔之所故名明洪武

八年知縣馬希顏建

來春橋 在縣東十五里舊為迎春之所

桑墟橋 在縣北四十里明洪武三年知縣馮

益建

朝宗橋 在縣東八十里以大湖在東為衆水

所歸故名明洪武三年知縣馮益重修

窰溝橋 在縣北二里明宣德年間造

蛤蜊溝橋 在縣西四十里陰平鎮西里許

海州

磨巷護鹽關 舊設

虎西橋 在城西門外

水門橋 在西城坊跨市河明洪武二十四年

千戶魏玉改為水關

清寧橋 在敦化坊

皇武西市橋 在阜民坊

東市橋 在敦化巷跨市河

沙壩橋 在城西二里明洪武間建跨薔薇河

洪門橋 在城北里許海潮上逆河水下注之

處而往來人衆有爭渡及走涉致溺者明萬曆

初耆民雷大明傾貲產又募得千金當河起石

壁五座橫巨木爲梁鋪以厚木板數月橋成遂

爲南北通衢明壽九十餘臨終跨鶴而去後又

有內監高公山東耆民王氏相繼修葺

九洪橋 在石湫鎮宋建石刻俱存

獨樹浦橋 在城北八里

下坊橋 在城南五十里明末樂十三年建嘉

靖三十五年商人劉梓重修

板浦鎮橋 在城東南四十里明洪武九年建

張家店橋 在城南一百三十里明洪武間建

小伊河橋 在城東南六十里明永樂元年建

青伊鎮橋 在城西南九十里明洪武間建

莞瀆鎮板橋 在城東南一百六十里

贛榆縣

紫陽橋 在城西門外一里通玉帶河

厲壇橋 在城北一里

人濟橋 在城西北隅通衢明萬曆二十二年

道人閣世化等募建

會潮橋 在城北十五里舊名大石橋知縣樊

兆程重建改名會潮今仍舊

潮河橋 在城北三十五里

石羊橋 在城北五十里

柘汪橋 在城北五十里



旦頭橋 在城北七十里

青口橋 在城南十二里

唐生口橋 在城南二十里

朱稽橋 在城南二十里

臨洪橋 在城南六十里

范家口橋 連三座在城南三十里

雙樹橋 連二座在城南三十五里

章埠墩橋 在城南五十里

上莊橋 在城南七十里

小河口橋 在城南五十里

浦南橋 在城南七十里

浦北橋 在城南六十里

盧家站橋 在城南四十五里

邳州

官湖橋 在城東六里

玉虹橋 舊名沂水橋州城西北一里明洪武

四年判官裴珏所建今改西南廂冬水涸架木

梁春夏漲以舟渡

南橋 在南門外

北橋 在北門外

西橋 在西門外

履旦橋 在城北二十里明成化年建

洪河橋 在州東南三十里久廢

高橋 在州西北三十五里久廢

黃家溝橋 在州東北十里今廢

引河橋 去城十餘里有泖口鎮

橫溝橋 在州西北一百里今廢

溜溝橋 在州東二十里久廢

步雲橋 卽五丈橋在州西北四十里

薑石橋 地石如薑在州北一百二十里

登龍橋 舊名石橋在州北一百二十里

營河橋 在州北九十里泖口集東明嘉靖年

建

宿遷縣

上口橋 在縣南十里明永樂間民蘇原建

小河口橋 在縣南十里明永樂間劉清逋建

廣濟橋 在舊治北一里明末樂元年孟義建

弘治七年劉奉重修嘉靖年蘇民施瑞重修

坡石橋 在圍田湖

朝陽橋 在縣南三里

拱辰橋 在縣北四里

迎恩橋 在縣西四里

化龍橋 在舊儒學東

彙征橋 在紅橋東

紅橋 在彙征橋西

惠政橋 在縣前右街明萬曆四年知縣喻文

偉建

通賢橋 在縣東撫綏坊下知縣喻文偉建

靈傑橋 在楚王祠前

睢陽縣

白龍橋 在縣南二里

余家橋 在縣東二里

通濟橋 在縣北關外

永惠橋 在縣北關外

化龍橋 在學門西

邵公橋 在縣西南十五里邵公輸財建故名

呂公橋 在縣南二十里石橋

戚家橋 在縣南二十五里

姜家橋 在縣東十五里

通水橋 在縣內各巷口共橋五座明萬曆十

三年知縣申其學重修

青雲橋 在學前長十餘丈直接城頭教諭孫

大經建

淮安府封建考  
通志府志合載

夏

邳 夏時封國今邳州

周

莒子 嬴姓武王封少昊之後茲輿期于莒其

東境即今贛榆縣

郟子 已姓少皞氏之裔武王封之為魯附庸

春秋郟子來朝是也今沐陽地

郟子 春秋時附庸于郟今睢寧縣地

秦

楚王 二世時秦嘉立景駒為楚王在下邳今

邳州

漢

楚元王交 高祖同父弟與蕭曹等俱從攻戰

封文信君漢六年既廢楚王韓信分其地立為

楚王王薛郡東海彭城三十六縣立二十三年

薨至宣帝時國除

上邳侯郢客 楚元王子高后二年封文帝元

年封為楚王國除

睢寧侯定國 江都易王非子元朔元年封元

鼎五年坐酎金免國除今睢寧縣

彭侯偃 城陽王頃子元狩元年封五年坐酎

金免國除今淮安贛榆海州地

淮陵侯喜 廣川惠王子武帝時封坐酎金免

淮陵漢屬臨淮今淮安府

父城侯光 城陽頃王子武帝封坐酎金免父

城漢屬東海

東淮侯類 城陽頃王子元狩元年封五年坐  
酎金國除東淮漢屬東海

東陽侯弘 清河綱王子宣帝本始開封漢東  
陽屬臨淮今淮安屬地以上封同姓諸王侯  
楚王韓信 淮陰人漢王以爲大將軍滅楚封  
齊王徙都下邳坐擅發兵廢爲淮陰侯高祖十  
一年呂后誅信國除

東陽侯張相如 高祖六年爲中大夫以擊陳  
豨功十一年封三傳至彊無後國除漢東陽屬

臨淮今淮安府

睢寧侯張廣國 張耳元孫武帝建元時封今

睢寧縣

術陽侯越建德 漢武帝元鼎四年封五年有

罪國除漢志注術陽在下邳

瞭侯畢取 漢武帝元鼎六年以南越將降封

瞭侯在下邳

扶德侯馬宮 平帝元始元年以大司徒封地

在今贛榆縣以上封異姓諸王侯

山陽公荆 光武子建武十五年封十七年進爵為廣陵王後有罪自殺子孫降為侯

下邳惠王衍 明帝子永明十五年封章帝即位以臨郡及九江之鍾離東城歷陽全椒合十七縣益下邳國衍立五十四年薨三傳至宜無後國除

晉

下邳獻王晃 字子明武帝受禪封咸寧六年薨追贈太傅

睢寧公王祥 字休徵今睢寧縣

宋

齊王 順帝三年三月封太傅蕭道成為齊公四月進封為齊王蘭陵東海山陽皆其封地

宋

下邳公冉子雍 真宗咸平三年封

明

沐陽伯金濂 永樂朝追封沐陽伯諡榮襄山陽人

淮安侯華雲龍 定遠人

世  
 本  
 年  
 此  
 四  
 宋  
 進  
 王  
 第  
 公  
 下  
 字  
 林  
 第  
 今  
 批  
 第  
 二





